

EXERCITATIO PHILOSOPHICA,
QUA

EORUM, QUI JUVENTUTI
EDUCANDÆ PRÆSUNT,
OFFICIA EXAMINANTUR
ET DEMONSTRANTUR,

QUAM,
AUSPICIIS

SERENISSIMI ET CELSISSIMI PRINCIPIS
AC DOMINI,

DN. F R I D E R I C I,

HASSIÆ LANDGRAVII RELIQ.

ACADEMIÆ RECTORIS MAGNIFICENTISSIMI,

PRÆSIDE

VIRO PRÆNOBILISSIMO, AMPLISSIMO, CLARISSIMO,

D. JOH. ADOLP. HARTMANN,

H. ST. ET ELOQUENT. PROF. P. O.

PRÆCEPTORE ET PATRONO ÆTATEM COLENDO,
VENERANDO,

PLACIDÆ DD. COMMILITONUM DISQUISITIONI,

AD DIEM XXII. SEPTEMB. ANNI MDCCXL.

HORA X. MATUTINA,

IN PHILOSOPHORUM ACROATERIO,

SPECIMINIS CONSUETI LOCO

SUBJICIT

HENR. WILHELMUS ESKUCHE,

WOLFHAGA - HASSUS. AUCTOR.

MARBURGI CATTORUM,

TPIS PHILIPP. CASIMIR. MULLER. ACAD. TYPOGR.





EXERCITATIO PHILOSOPHICA.

QUA

**EORUM, QUI JUVENTUTI
EDUCANDÆ PRÆSUNT, OFFICIA
EXAMINANTUR ET DEMONSTRANTUR.**

Juventutem reip. olim futuræ basim esse & ab ea civitatem ejusque felicitatem & infelicitatem pendere, tam liquidum est, quotidiana docente experientia, ut de eo nemo hominum queat dubitare. Utut enim id gratiis etiam demus, accidere posse, ut Alcibiades aliquis, in juventute dissolutissimus, suæ olim reip. insigni sit amolumento, tam rari tamen istiusmodi sunt casus, ut miraculi imo phœnicis instar valeant existimari; potius, cum ipsa educatio totius futuræ vitæ ut exordium, ita & fundamentum sit, adeoque, quotquot unquam sapere mortalium, primam omnium eam existimaverint esse curam suam,

ut liberi quam curatissime educantur, non omnino inutilem nos suscepturos operam judicavimus, si eorum, quibus educandæ juventutis cura est commissa, officia & examinarem, &, quantum vires nostræ valeant exploraturi, demonstrarem.

§. I.

*Quales sint
actiones
hominum.*

Actiones hominum sunt vel liberæ vel necessarie. Omne enim ens simplex gaudet vi agendi, anima vero humana est ens simplex, proinde extra controversiam erit, animam humanam vim agendi habere; ipsæ vero animæ actiones & operationes, vel se exierunt in re cognoscenda, vel volenda. Quæ intellectui tantum subsunt, dicuntur *necessariæ*, quæ autem a voluntate proficiuntur, *liberæ*, cum vero anima hominis duplicem hanc facultatem tantum habeat, actiones ejus vel sunt necessariæ vel liberæ.

§. II.

*An homo
libere agat.*

Dantur actiones hominis liberæ. Homo constat corpore organico & anima rationali; hæc autem duo entia harmonice agunt, ita, ut ad nutum animæ corpus agat, & viceversa; ergo voluntati etiam subjiuntur corporis actiones, actiones autem (§. I.) quæ voluntati subsunt dicuntur liberæ, cumque tales etiam sint actiones corporis, dantur corporis actiones liberæ. Homo vero cum tantum constituitur per animam rationalem & corpus organicum, hæc vero duo libere agant; dantur actiones hominis liberæ.

§. III.

*Actiones
hominis li.*

Actiones hominis liberæ vel possunt esse bonæ, vel malæ. Omnis actio, adeoque etiam libera, mutatio-

tationem inducit, quia vero mutatio in homine sta-
tum hominis absolvit, ex actionibus liberis status in
homine enascitur. Quando vero mutabilia in ho-
mine tantum considerantur, *status internus* adest;
sin autem relationum habetur ratio, quas homo ex-
tra se habet, *status externus* locum obtinet. Per-
spicuum igitur est ex actione libera sequi & *statum*
internum & externum. Si status, quo afficitur ho-
mo, conformatur iis, quæ constanter insunt, ita ut
eundem finem habeat cum naturalibus animæ & cor-
poris, status hominis perficitur; quando autem sta-
tus, quo afficitur homo, naturæ hominis repugnat,
imperfectior redditur, juxta rationem perfectionis
& imperfectionis. Actio itaque libera vel potest
statum hominis perfectum reddere vel imperfectum,
actio vero libera, quæ perfectioni status conducit,
dicitur *bona*, quæ autem imperfectionem ejusdem
efficit, *mala*; propterea actiones hominum liberæ
vel possunt esse bonæ vel malæ.

§. IV.

Existit obligatio vel ad volendum vel nolen- Datur ob-
dum. Voluntas & Noluntas determinantur per mo- ligatio ad
tiva, ita, ut, quidquid agimus libere, non tamen *volendum*
sine motivis agamas. *Connexio motivi cum actione* vel *nolen-*
dicitur *Obligatio*, ergo actiones liberæ certam secum *dum*.
habent obligationem; actiones liberæ sunt actiones
vel voluntatis vel noluntatis, adeoque existit obli-
gatio ad volendum vel nolendum.

§. V.

Homines obligantur ad bonum faciendum & Homo ob-
ad malum omittendum. Cum actiones bonas, quan- ligatur ad
do ea- bonum fa-

ciendum
& malum
omitten-
dum.

do earum honestatem intrinsecam nobis representa-
mus, velimus; malas autem, dum turpitudinem ea-
rum intrinsecam cognoscimus, nolumus; obligatio
adfit, necesse est, ad actiones bonas patrandas &
malas omittendas (§. 4.); quia patramus, quod vo-
lumus, omittimus, quod nolumus. Claret igitur,
homines obstrictos esse ad bonum faciendum & ma-
lum omittendum.

§. VI.

Lex est, fac
bonum, o-
mitte ma-
lum.

Fac bonum, omitte malum, lex est. Fac bo-
num, omitte malum est propositio, secundum quam
actiones nostras liberas instituere tenemur, *Propo-
sitio, secundum quam actiones nostras liberas insti-
tuere debemus, est Lex, adeoque lex est, fac bo-
num, omitte malum.*

§. VII.

Status bo-
minis per-
ficiendus
est.

*Cum status hominis internus, tum externus,
perficiendus est.* Omnis homo adstrictus est ad le-
gem servandam, lex autem jubet, ut faciamus bo-
num, omittamus malum, cum autem bonum sit,
quod & statum internum & externum perficit, ma-
lum, quod utrumque reddit imperfectiorem; omnis
homo utrumque statum perfectiorem reddere debet,
& e contrario ea, quae imperfectionem promovent,
omittere.

§. VIII.

Parentes
debent sta-
tum libero-
rum perfici-
cere.

*Parentes liberorum statum cum internum, tum
externum, perficere debent.* Liberi sunt homines,
adeoque (§. 5.) obligantur ad bonum faciendum &
malum omittendum, cum vero rationis usu & cor-
pore firmo adhuc sint destituti, adeoque, sibi solis
relicti

relictæ, nec statum suum internum, nec externum, perficere queant: Ubi autem aliquis aliqua re indiget, quam ipse acquirere nequit, alii illum adjuvare obligantur, liberi ab aliis postulare possunt, ut ipsis alii succurrant. Si alii liberorum statum cum internum, tum externum, perficiunt, eos educare dicuntur, parentes autem, qui liberos procreant, eosdem etiam educare tenentur, necesse etiam est, ut parentes liberorum statum, cum internum, tum externum, perficere studeant.

§. IX.

Gubernator est persona, cui cura status liberorum perficiendi ab eo commissæ est, qui liberos educare tenetur. Status internus complectitur corporis & animæ perfectiones, externus præcipue genus vitæ, cui admovendi sunt liberi. In utroque statu perficiendo quamvis (§. 8.), laborare debeant parentes; attamen, quia usu ipso percipimus, munera in rep., sive publica sint sive privata, tam varia esse, tam multiplicia, ut unicus homo & iis administrandis, & liberis simul educandis, nequaquam possit sufficere: potest pater, qui est caput familiæ, vel alius, qui liberos educare tenetur, cum persona quadam pactum inire, ut illa persona loco ipsius curam gerat liberorum, quo status illorum perfectior reddatur, cui personæ vicissim is, qui liberos educare tenetur, certam constituat mercedem. Personam adeo talem, quem gubernatorem dicimus, aliter definiri non posse intelligimus, atque quod sit persona, cui cura status liberorum perficiendi ab eo commissæ est, qui liberos educare tenetur, quæque
adeo

adeo ex pacto gerit curam status liberorum perficiendi.

§. X.

Gubernatoris officium circa victum & amictum.

Gubernator curare debet, ut soboles ipsi commissa victu & amictu salutari instruantur. Soboles humana ubi nascitur, in actu tantum primo facultates animæ & corporis in illa se exserunt, ita ut successive cum corpus, tum anima, habitus suos acquirat, propter harmoniam vero, quæ animam inter & corpus intercedit, id insuper experientia certum, quod corpore male affecto anima actiones suas producere nequeat, tantum abest, ut ex ad certum finem dirigi possint, corporis nostri ratio habenda est, ut illud ad suam perfectionem perducatur; est autem perfectio corporis valetudo ejusdem & firmitas, ad quem utrumque scopum facit victus & amictus. Talis proinde victus & amictus a gubernatore commissis suæ educationi liberis porrigi debet, ut valetudini & firmitati consulatur, id quod sine victu & amictu salutari obtineri nequaquam poterit. conf. WOLF. *Jus Naturæ* Tom. I. §. 644.

§. XI.

Cibi sanitati conducentes eligendi.

Cibi, sanitati conducentes, a gubernatore eligendi sunt. Cibi crudi & duriores valetudini nocent, ergo alimenta nec cruda, nec concoctu difficiliora educandæ soboli præberi debent, nec permitti; Si cibi nimium sint delicati, ipsum corpus hominis, istiusmodi cibis pastum, emollescit & debita nervorum firmitate destituitur, propterea nec cibi nimis delicati dari debent, & quoniam ancillæ vel nutrices cibum præparant & apponunt, illis injungi debet,

debet, ut cibi sanitati liberorum conducentes, quos gubernator ipse præscribere poterit, eligant apparentque.

§. XII.

Corpus tenere adhuc sobolis firmum est faci- *Corporis*
endum & conservandum. Corporis enim perfectio *firmitas*
cum consistat in aptitudine motus, appetitionibus *curanda.*
& averlionibus animæ convenientes, producendi,
& situs tam totius corporis, quam membrorum ejus
externorum, determinandi, ea vero aptitudo sine
corporis firmitate obtineri nequeat, ut experientia
nos docet in iis, qui corpore sunt infirmo, guber-
natori profecto incumbit curare, ut corpus com-
missa sibi juventutis firmum faciat & conservet.

§. XIII.

Modica ideo & ludicra & seria exercitia ju- *Hinc ex-*
ventuti suppeditanda. Modica juventutis exercitia, si *exercitia &*
ve ludicra sint, sive seria, & conjunctus cum iis la- *seria & lu-*
bor, dum motu modico vitalem hominis calorem *dicra sup-*
conservant, nervos ipsos & reliqua corporis organa, *peditanda.*
motui destinata, ad varios motus expedita faciunt,
corpus firmum & ad labores motusque alias postu-
lato robustum & aptum efficiunt, ad eam vero a-
ptitudinem (§. 12.), cum firmitas corporis requira-
tur, quin modica exercitia suppeditari debeant, ne-
mo poterit dubitare. Ideo etiam FULGENTIUS de
corporis exercitatione sic loquitur: est vitæ huma-
næ conservatio, caloris naturalis lima, excitatio dor-
mientis naturæ, virtutum corroboratio, superflui-
tatum consumptio, otio inimicum temporis lucrum,
juventutis debitum & senectutis gaudium. Hinc

PLATO vult, ut corpus & animum exerceamus. Et qui in pueritia, adolescentia & juventute corpus exercuere, sapissime fundamentum posuerunt senectutis & viridis & robustissimæ, ut Argantonius, qui juxta CICERONEM *de Senectute*. & PLINIUM centum vixit & viginti annos; ut Gorgias Leontinus, qui vitam produxit ad annum centesimum & Septimum; ut Sophocles, qui in ipsa senectute jam adulta, singulari fuisse & corporis & animi vigore, memoratur.

§. XIV.

Facultas inferior recte ducenda.

Curandum etiam gubernatori, ut facultas inferior ad actum bene perducatur. Quia enim homo præter corpus anima etiam constat, perfectionis multiplicis capace, ab ipso liberorum, fidei ipsius commissorum, curatore perfectio eorundem studiose procuranda, ideoque solícite ab eo invigilandum, ut ii, qui ipsi commissi sunt, animæ etiam perfectiones quam possunt maximas acquirant. Constat autem anima duplici facultate & cognoscitiva & appetitiva, proinde & Cognoscitiva & Appetitiva a gubernatore quam studiosissime erit excolenda. Cognoscitiva vero cum distinguatur in Superiorem & Inferiorem, ipsa etiam facultas cognoscitiva superior ab inferiore dependeat, ita ut illa sine hac locum habere nequeat; consequitur inferiorem facultatem, quæ exercendo successive perficitur, per solícitam gubernatoris industriam ad actum bene perducendam.

§. XV.

Sensus ad rectum usum adducendi.

Circa rectum sensuum usum gubernator solícitus esse debet. Facultas Inferior dispescitur intres alias, Sensationem, Imaginationem & Memoriam;

Imagi-

Imaginatio & Memoria operari nequeunt absque sensationibus, Sensationes itaque primum sunt, de quo in commissa fidei suæ juventute tenera sollicitus debet esse gubernator, ut illæ rectæ sint, neque occasionem ulterius a perfectione, ad quam homo obstringitur, aberrandi præbeant.

§. XVI.

Organa sensoria præservanda sunt ab omni Organa vitio. Formantur nimirum sensationes conformiter *sensoria ab* iis mutationibus, quæ in organis sensoriiis accidunt, *omni vitio* proinde organis sensoriiis aut aliquo vitio laboranti-*servanda.* bus aut quovis modo corruptis, mutationes legitimo modo fieri non possunt, hoc vero si eveniet, sensationes sive ideas sensuales falso res, quæ mutationem inorganis efficiunt, repræsentare necesse est, organa itaque sensoria ab omni vitio aut corruptione præservari debent ab eo, cui cura alterius educandi commissa est.

§. XVII.

Sæpiissime ea exhibeantur juventuti, quæ ipsi Imaginaperquam nota esse cupimus. Experientia quemlibet *tio & ad-* docet, nos non ea tantum, quæ nobis præsentia si-*juvanda* stuntur, percipere & nobis repræsentare, sed & o-*& promo-* lim percepta nos nobis denuo præsentia sistere posse, *venda,* illa vero facultas, quæ ideas absentes, jam olim habitas, reproducit, dicitur facultas imaginandi. Imaginatio vero eo vividior & fortior est, quo recentior est & crebrius repetita sensatio; adeoque omne illud, quod juventuti perquam notum esse volumus, & ut sibi facile ejus ideas possit reproducere illud sæpiissime nobis ut exhibemus, ita & a gubernatore,

tore, ut idem in sua fidei commissa juventute obtineat, agendum erit.

§. XVIII.

*Attentio
procuranda.*

Attentioni ut assuescat educandus, sollicitè etiam curandum gubernatori. Præter imaginationem animæ humanæ etiam competit Memoria, per quam res, per imaginationem reproductas, recognoscimus; juvatur vero memoria non parum ab ipsa attentione, quæ in juvenibus per iteratam ejusdem rei præsentis perceptionem non parum excitatur; cum vero sæpe multum intersit, ut absentia recognoscamus, gubernatori in eo elaborandum, ut fidei illius commissi diu rebus attendere ab juventute assuescant.

§. XIX.

Pueri appetitu & aversatione sensitiva tantum ducuntur.

Teneri adhuc pueri appetitu tantum sensitivo & aversatione sensitiva instructi operantur. Etenim cum facultate cognoscitiva inferiori conjuncta est facultas appetitiva vel averfativa sensuality, quidquid vero homines sibi repræsentant tanquam bonum, id appetunt, quod vero sibi repræsentant ut malum, id ipsum averfantur, cum autem in teneris adhuc pueris, & non raro etiam juvenibus, primo tantum operetur facultas cognoscitiva inferior, hæc autem confuse tantum bonum & malum repræsentet, appetere non possunt nisi bonum, confuse perceptum, & averfari non possunt nisi malum confuse itidem perceptum, ex confusa vero boni perceptione cum oriatur appetitus sensitivus, ex confusa mali perceptione aversatio sensitiva: consequitur in teneris adhuc pueris, non raro etiam juvenibus tantum esse appetitum sensitivum & aversationem sensitivam, quibus tantum instructi operantur.

§. XX.

§. XX.

Animi fidei suæ commissorum a gubernatore Animi sunt investigandi. Cum enim gubernator fidei suæ ^{puerorum} commissos ad perfectionem perducere obligetur, ex-^{investigandi.} perientia vero notum sit, diversas inesse hominibus, easque confusas, boni vel mali representationes, ex quibus ipsorum appetitiones & averfationes, quasi naturales oriuntur, adeo, ut idem alius existimet esse bonum, quod alter malum habet, adeoque etiam hic ob aliquam rem tædio afficiatur, ob quam alius voluptate afficitur; quæ animi inclinationes & averfationes in pueris, & tenerioribus adhuc juvenibus, eo magis conspicuæ sunt, quo minus norunt simulare; quod itidem experientia nos docent, homines ea promptius exsequi, quæ ex naturali inclinatione appetunt, omittere vero illud, quod ex naturali averfatione averfantur; prudentis sane gubernatoris est, ut naturales hæc inclinationes & averfationes intime cognoscat, quo ita in iis, quæ facere æquum est, quantum fieri potest, naturali inclinatione vel averfatione ita utantur, ut simul æquitatem totius actionis vel noscere incipiant, vel, si cognitionis hujus capaces nondum sint, laudatam in rebus amandis contrahant consuetudinem, quæ deinde eos suaviter ad similia impellat. Eodem modo ipsi procedendum in iis, quæ sunt omittenda, quo ita naturali averfatione utatur, ad ea fugienda averfandaque.

§. XXI.

Exempla boni & mali a gubernatore pueris ejus fideicommissis adduci debent. Nondum enim ad-^{Exempla boni & mali sunt ult} ult

ulti cum rationis usu perfectō destituantur, habeant tamen analogum aliquid rationis, expectationem nimirum casuum similium, quæ in eo veratur, quod quando certas olim circumstantias & determinatos eventus, cum iis connexos, observavimus, recurrentibus iisdem circumstantiis eosdem etiam expectemus eventus; pronum est statuere, quia teneri adhuc per rationem bonum tanquam bonum cognoscere nequeunt, uti nec malum tanquam malum, adeoque appetitum rationalem uti & aversionem rationalem non habent, quod, cum bonum & malum discernere nequeant, & tamen ab eo educandi sint, necessarium sit gubernatori, ut casus singulares adducat, ubi quis bonum peregit, eventusque illud ipsum bonus est subsecutus vel ubi quis malum commisit, cujus comes fuit eventus sinister & adversus. Unde & a majoribus nostris ex non improbatæ historiæ, quæ tenerorum adhuc captum nequaquam superant, eoque sunt modo comparatæ, ut teneræ adhuc mentes eam, cujus capaces sunt, boni & mali cognitionem consequantur

§. XXII.

Circa domesticos quid curandum sit gubernatori.

Domestici ne, gubernatoris fideicommissis presentibus, turpe quid committant, ei sedulo cavendum. Quia enim in tenera adhuc ætate constituti facultate tantum gaudent cognoscitiva inferiori, non possunt non ea imitari, quæ, ab aliis facta, suis sensibus perceperunt; cum vero gubernatoris sit eos educare, adeoque curare, ut, quidquid malum & vitiosum est, omittant, ejus etiam est cavere, ne quid mali, quoad ejus fieri potest, sensu percipiant, unde &

de & domestici obligandi, ne quid turpe aut prohibitum illis præsentibus patrent, aut, si agant contrarium, a consortio illorum sunt removendi.

§. XXIII.

Cum actionibus bonis educandorum sæpe præmia sunt conjungenda. Cum enim appetitus sensitivus eo vehementior fiat, quo clarius bonum menti sistitur, imaginatio autem bonum clarissime sibi repræsentet, si id sæpissime cum voluptate sensit, patet, appetitum ad bonum esse majorem, quo crebrius id bonum cum voluptate sentimus, majorique adeo cum inclinatione educandi bonum agent, & actiones virtuosas efficient, quanto frequentiores ex iis voluptatem eos capere permittimus; cum autem educandi ex præmiis voluptatem capiant, ea, ut cum inclinatione inajori eadem repetant, cum actionibus, quas committunt, bonis sæpissime erunt conjungenda.

Premia bene agentibus danda.

§. XXIV.

Pœnæ cum actionibus malis educandorum sunt conjungendæ. Cum enim averfatio sensitiva tanto fiat vehementior, quanto clarius malum menti sistitur, imaginatio vero malum clarissime sibi sistat, si id cum actione mala conjunctum, non sine averfatione sensit, ut educandus a malo abhorreat, id cum pœnis erit conjungendum.

Pœna cum actionibus malis jungenda.

§. XXV.

Oportet tamen in præmiis quam pœnis gubernatorem ubi indolem nactus est elegantiores, esse copiosiores. Cum enim gubernator ad ea educandum perducere debeat, quæ statum ipsius internum

Premia copiosiora esse debent, quam pœnæ.

& ex-

& externum perfectiorem faciunt, perfectior vero is fit status, ubi quis ratione & laudis amore ducitur, quam ubi servi instar, invitus quodammodo, ad agendum impellitur, primum vero operentur præmia, fervilem vero animum pœnæ ingenerent, liquet gubernatorem ad præmia potius, quam ad pœnas repetendas inclinare debere. Id quod agnovit etiam Poëta canens: fit piger ad pœnas, velox ad præmia princeps,

§. XXVI.

Bonis artibus sunt imbuendi.

Bonis artibus pro ætatis cujusque capacitate educandi a governatore sunt imbuendi. Faciendus nimirum status educandorum perfectior, ad eam vero perfectionem quin pertineant bonæ artes, tam certum est, ut hic demonstrari nemo possit postulare. Proinde bonis artibus pro capacitate sunt imbuendi.

§. XXVII.

Mores elegantiores assuefaciendi.

Ad convenientem morum elegantiam a governatore educandus est assue faciendus. Vivendum enim erit ipsi educando, dum ætate major fuerit, in aliorum hominum frequentia, utpote sine qua crediti olim officii sui partibus defungi non poterit, in ea vero hominum frequentia ii adhibendi sunt mores, qui ex laudato Reip. illius usu publica sunt auctoritate introducti, quod moribus iis aliorum nobis conciliamus & existimationem & benevolentiam, contrariis vero & agrestibus eam a nobis repellimus; ut vero hos mores facile tum exerceat ille, habitus illorum est acquirendus, qui cum per frequentatas actiones demum acquiratur, teste experientia, ab ipsa

ipsa juventute ad frequentatos mores decoros & elegantes educandus a gubernatore erit assuefaciendus.

§. XXVIII.

Inter cætera vera *Virtutibus moralibus a gubernatore sunt assuefaciendi.* Sunt nimirum educandi ab eo (§. 9.) habitusque boni eisdem communi-^{Virtutibus moralibus sunt assuefaciendi.}candi (§. 27.), frequens vero virtutum moralium exercitium habitum in iisdem generare experientia notum est, proinde ut habitus boni in educando progignantur, ad continuûm virtutum moralium exercitium sunt assuefaciendi.

§. XXIX.

Fidei gubernatoris commissi educandi ad Deum Ad Deum colendum sunt adducendi. Vult enim Deus ab hominibus coli universis, quia, quotquot sunt homines, actiones suas liberas dirigere ex Divina voluntate debent, ut gloria divina manifestetur, adeoque ut attributa divina sint motiva actionum humanarum, adeoque Deus vult, ut certas actiones edamus, quia ipsum agnoscimus, eas non edituri, si eum non cognosceremus (§. 1121. Tom. I. Jur. Nat.). Sunt autem fidei gubernatoris commissi homines, a quibus Deus coli vult, adducendi igitur sunt a gubernatore educandi, ut Divinas perfectiones agnoscant, eas actionum suarum liberarum motiva habeant, &, dum hæc ipsa constanter agere assuescunt, laudatissimam contrahant consuetudinem huic in Deum officio constantissime satisfaciendi.

§. XXX.

Ex quibus, liquet gravissimam esse gubernatoris obligationem, ab eoque postulari, ut educando-^{Obligatio gubernatoris.}rum.

rum indolem & ingenium noscat, ut propositis virtutum exemplis eos ad similia excitet, & enarratis malorum pœnis a flagitiis avertat, & dum corpori firmando & ad omnes actiones olim efficiendas idoneo faciendo invigilat, id ita agat, ne pravo aliorum exemplo teneram educandi indolem corrumpi permittat; excitandus est præmiis sæpe repetitis, ubi educandus præclare egit, & ubi asper est monenti, pœnis etiam cogendus. Inter scientias, educando utiles, earumque ordinem caute ipsi distinguendum, ne ætati unicuique apta negligat, alia, quibus educandi ætas matura nondum, & tempus utiliora agendi eidem eripiat; imprimis vero ad virtutes Deumque colendum assuefaciendus est fidei ejus commissus, & cum quotidiana exempla animum educandi post se facile trahant, ipse gubernator præclaris semper exemplis, educando quotidie debet præluere, ne in gubernatorem applicari possit Plautinum illud.

*Probum patrem esse oportet, qui filium suum
Esse probiorem, quam ipse fuerit, postulat.*

§. XXXI.

Paragraphos, in quibus principia nostrarum demonstrationum in Philosophia Wolffiana evincuntur, allegare non necessarium esse duximus: quoniam illa jam lectori nota esse supponimus:

T A N T U M.



The-

Theses aliquot

I.

Alamus in statu integritatis si perstitisset, non opus habuisset revelatione.

II. Anima singulis momentis producit ideam hujus universi.

III. Animarum præexistentia maximo probabilitatis gradu defendi potest.

IV. Athei in republica tolerari nequeunt.

V. Infinitudo intellectus Divini optime potest demonstrari.

VI. Intellectus Dei est unicus fons essentiarum.

VII. Deus ideo existit, quia est possibilis.

VIII. Difficile admodum videtur probatu ex principiis rationis, mundum esse creatum in tempore, non vero ab æterno.

IX. Origo primi peccati Adami bene est concepitibilis.

X. Omnes mutationes entis compositi sunt per motum.

ad Dn. Respondentem.

Quo tendis properante gradu? quis suscitatur ardor?
Scandere vis cathedram? digna argumenta juvenæ,

Et digna ingenii vis docti ostendere signa?

Sic bene! nempe suam debet diffundere lucem,

Sol, oculus mundi, nescitque latere tenebris,

Sic etiam ingenii nescit latuisse facultas

In lucem erumpit, radiis laudanda coruscis.

Gratulor ingenii lucem, quæ pulchra nitoris

Signa hodie prodit. Votorum hæc summa meorum,

Cresce in perpetuam splendenti lumine famam,

C 2

Cre-

Crescant ingenii vires, & docta facultas
Sic ut semper honos, semper laudesque perennent.

*Ita, Nobilissime ac Doctissime Domine Re-
spondens, gratulabundus amorem latitiam-
que significare voluit.*

JOH. RUD. ANT. PIDERIT,
Homberga-Haffus.

Ut vigilans Sophia incumbas, hoc pagina docta,
Quam tradis, monstrat, certaue signa refert.
Hoc dum præclaro nunc ausu, Dulcis Amice,
Impiger ostendis; gratulor ex animo.
Pergito sic Musis intendere, pergito amare
Artes Palladias, gloria quas sequitur
Quæ pretiosa ferens, Tibi præmia, largaque tandem
Præmia divitiis utiliora vagis.

*Ita Doctissimo Domino Respondenti, Amico suo
suavissimo accinere voluit, debuit.*

C. v. ROHDE.

Cassel. Hassus. SS. Theol. Studiosus, opponens.

Sernügter Freund! die Musen sind dir hold,
Daß du die reine Milch der Wahrheit eingefogen,
Du suchtest nur Verstand, der Weisheit ächtes Gold,
Und bliebst der Tugend stets, Troß Müß und Schweiß
gewogen,

Drum hast du auch nunmehr das schöne Ziel erreicht,
Wir wünschen daß du einst nach abgelebten Jahren
Des Himmels Glück und Günst und Segen mögst erfahren
Und froh und standhaft seyn, wenn sich was niedrig zeigt.

Seine Freude bey der glücklichen Pro-
gessen eines wehrteschätzten Freunds
des zu bezeigen/ setzte dieses hierher

H. F. SCHUCHARD, Elberfelda-Montanus
S. S. Stud. Opponens.